

F L A N D R I A C O M I T A T V S.



Limites veteris Flandriae.

Landriam Germania Inferioris veterisque Belgicę regionem esse extra controversiam est. Aliter ejus limites olim, aliter nunc definiti sunt. Limites olim fuere Oceanus, Scaldis, & Somona, complexi septem primarias civitates, Atrebatum videlicet, Comitatus totius metropolim, Gandam, Brugas, Ipram, Fanum D. Audomari, Insulas & Duacum. Sed contractis deinde inter regii Gallię sanguinis Principes & Flandrorum Dynastas compluribus matrimoniis, avulsę fuerunt à Flandria quędam urbes, & conflatus ex iis Comitatus Artesiæ. At hodierna Flandria à Septentrione quidem majori ex parte clauditur Oceano, cętera alluente Scaldis brachio, quod vulgo *De Hont* vocant: à meridie vero contermina est Artesiæ, Hannoniæ & Veromanduis populis Picardię: ab ortu partim est Scaldis, partim eadem illa Hannonia: ab occasu denique partim idem Oceanus, qua Britanniam adspicit: partim Agino fluvius, vulgo dictus *de Ha*, cum ea parte Artesiæ, quę Calisum & Bononiam spectat. Sunt qui Flandriam olim cum Anglia cohęsisse arbitrantur, verum, (ut ad Virgilii versus Sicilię ab Italia divulsionem describentis alludam)

*Hęc loca vi quondam, & vasta convulsa ruina,
(Tantum avi longinqua valet mutare vetustas)
Disiluisse ferunt. cum protinus utraque tellus
Vna foret, venit medio vi pontus & undis
Anglorum Flandris latus abscedit, arvaque & urbes
Littore diductas angusto interluit aestu.*

Sed hoc non magis verum esse arbitror, quam quę de Sicilia & Italia, Hispania & Africa quidam nugantur, terras puta illas aliquando cohęsisse. Illud probabilius, Flandriam & Zelandiam cohęsisse, sed anno 980 intermedia fossa, distinctos, jussu Imperatoris Othonis tertii, Galliam inter finio isto ab Imperio separantis.

Etymon.

De etymologia vocis Flandrię, quę vernacule *Flandren*, non minus variant conjecturę. Archiva cęnobii Benedictini Aldenburgici ab æstuante ventosoque mari, ventisque in objectas olim sylvas, (fuit enim nemorosa valde) *Flantibus* sic dictum arbitrantur, maxima sane probabilitate: Nannius à *Flandren* deducit, quę voce Germani sagittas denotant, quod in bellis arcubus ac sagittis pugnaretur. Mayerus à *Flaemen*, quas lingua Flandrica placentas vocat, quarum speciem referunt loca quędam Flandrię cęnosa, plana, stagnantia & relucetia: vel quasi *hol-laenen* id est, locis palustribus elicibusque procelloso maris, five latos olim campos occupantibus, five tenuiores alveos efficientibus. Quibusdam placet *Flaenderen* dici, quasi *Dele anderen* ut *Allemaniam* ab *Alle-man* ob populorum exterorum in eam confluum. Nam & Nortmanni, Cimbrique in Galliis & hac regione sæpius grassati sunt. Pagi *Sueveghe-mum* & *Suevesela* Suevos: *Cassela*, *Catsberga*, *Cathemum*, *Cattos* innuunt, *Gothemum* Gothos. Flandrici vero littoris (quod adhuc à nautis *Ruthen* vocatur) vetustissimi accolę, *Rutheni* erant: *Saxonesque*, unde *Sassum*, statio Gandensium maritima. Et Batavos Cattorum sobolem non minus huc ingressos, quam Hollandię Gelrięque magnam partem possedisse, & Gothos Gallias peragrassę ac infedisse, ex Tacito Eutropioque pervulgatum est.

Sedes olim fuit Morinorum, Nerviorum, Menapiorum, Oromansacorum. Morini in eo littoris tractu fuere, in quo Bolonia, Calisum, portus Iccius Iulii Cęsaris, Gessoriacum, Gravelinga, Burburgus, Dunkerka, Winnociberga & Neoportus. Ab illis Morinorum terminis in Orientem Meridiemque cis & ultra Scaldim, Nervii porrigebantur. Eorum cis Scaldim clientes Cęsar recenset Centrones, Grudios, Levacos, Pleumosios, Gordunos. *Centrones* locat *Geropius Becanus*, ubi hodie *Curtracum* est. *Grudios*, ubi civitas *Brugensis*, & adhuc *Grouda* pagus, & *Gruthusiorum* antiquissima familia, quasi *Gruntii*, hoc est, grutis multisque conatibus usui appositis nobiles. *Levacos*, ponit ad *Slusam*, *Ardeburgum*, *Oostburgum*, *Axelam*, ubi infimam & depressam Flandrici littoris partem esse tot inundationes docuere, à *Leeg & Waer* hoc est, partium ad mare inferiorum custodia. *Pleumosios* circa *Feurnam*, *Honschotam*, *Dixmudam*, *Ypram*, sic dictos, quod loca cęnosa inhabitarent, & aquas segnes tardasque. Nam *Levi* tardum, *Hosen* cęnosa loca: *by* apud significat, ut sint *Bileumosii*, & per contractionem *Pleumosii*. *Gorduni* fuere in monte *Blandino* *Gandavi*, ubi *D. Petri* monasterium & olim *Castellum*, quod *Gor* (Brabantis palus est) & *Duun* (Flandris collis) five colles in stagnis positos occuparent. Verum *Menapii* continuis Germanorum invasionibus vexati, quidam ad *Rheni Mosęque* ripas mansisse, alii sedes suas reliquisse videntur, inque Flandriam trajecisse, suoque nomine donasse Flandrię spatium acclivius,

Hic olim Nortmanni & Cimbr.

Populi veteres.